

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U BANOVIĆIMA
Broj: 127-0-Su-23-000300
Datum, 18.05.2023. godine.**

**INFORMACIJA O RADU OPĆINSKOG SUDA
U BANOVIĆIMA ZA 2022. GODINU**

BANOVIĆI , maj 2023. godine

Na osnovu elemenata i pokazatelja iskazanih u ovoj informaciji kroz prikaz stanja, organizacije i kadrovske osposobljenosti suda, riješenih i neriješenih predmeta, priliva i strukture predmeta, kvaliteta rada, može se sagledati rad Općinskog suda u Banovićima u 2022 godini.

I. ORGANIZACIJA I KADROVSKA OSPOSOBLJENOST SUDA

Općinski sud u Banovićima Pravilnikom o unutrašnjoj organizaciji i sistematizaciji radnih mjesta ima sistematizovano 7 pozicija nosilaca pravosudnih funkcija, od toga 6 redovnih sudija (uključujući i predsjednika suda) i jedan stručni saradnik. Sud je u toku izvještajnog perioda radio u sastavu predsjednik suda i četvero sudija. Sud shodno odredbama člana 16. Pravilnika o unutrašnjem sudskom poslovanju nema formirane odjele, odnosno sudska odjeljenja po pravnim oblastima.

Što se tiče nesudskog osoblja (državni službenici i namještenici), Pravilnikom o unutrašnjoj organizaciji i sistematizaciji radnih mjesta u Općinskom sudu u Banovićima, sistematizovano je 31 radno mjesto od čega su 8 državnih službenika i 23 namještenika.

Od navedenog broja radnih mjesta, popunjeno je devetnaest i to: dva državna službenika i devetnaest namještenika, jedan državni službenik na određeno vrijeme do povratka službenika sa porodijskog odsustva

Tokom 2022. godine u sudu je bilo odsustva sudija sa posla po osnovu bolovanja.

Što se tiče materijalnog statusa suda u dosadašnjem radu obezbijeđena su sredstva za nesmetano funkcionisanje suda, tako da sud nije zbog toga imao zastoja u radu, iako su te potrebe daleko veće radi čega se kontinuirano radi na obezbjeđenju što boljeg materijalnog statusa suda.

II. OSTVARENJE NORME I REZULTATI U POGLEDU BROJA RIJEŠENIH I NERIJEŠENIH PREDMETA U IZVJEŠTAJNOM PERIODU

Općinski suda u Banovićima je u izvještajnom periodu ostvario kolektivnu normu u procentu od **110,80%**. što je dobar uspjeh, posebno ako se uzmu u obzir poteškoće sa kojima se sud susretao u izvještajnom periodu, odsudstva sudija po osnovu bolovanja, nedovoljan broj ne sudskog osoblja, priliv predmeta, složenost predmeta, odgode ročišta iz objektivnih razloga, nedostupnost stranaka i sl.

Sud je uložio maksimalne napore kako bi ostvario navedeni procent prosječne godišnje norme, nastojeći da ostvari postavljeni cilj Programa rada tj. da riješi priliv predmeta u tekućoj godini, što je i uspio.

Podaci o prilivu, broju riješenih i neriješenih predmeta za izvještajni period, kao i podaci o prilivu, broju riješenih predmeta po referatima iz prethodne godine prikazani su u tabeli 1.

Tabela: 1


Referat	Broj neriješenih predmeta na dan 31.12.2020. godine	Broj primljenih predmeta u toku 2021. godine.	Broj riješenih predmeta u toku 2021. godine	Broj neriješenih predmeta na dan 31.12.2021. godine	Broj primljenih predmeta u toku 2022. godine.	Broj riješenih predmeta u toku 2022. godine	Broj neriješenih predmeta na dan 31.12.2022. godine
Krivični	94	324	339	79	256	258	77
Parnični	343	574	576	341	510	512	339
Prekršajni	858	640	662	836	892	1025	703
Izvršni	1800	1523	1921	1401	1535	1863	1073
Sudska uprava	0	24	24	0	21	21	0
Vanparnični	215	324	262	277	321	329	269
Ukupno	3310	3409	3784	2934	3535	4008	2461

Analizom podataka o protoku predmeta iz tabele 3, proizilazi da je u izvještajnom periodu došlo do smanjenja broja neriješenih predmeta na svim referatima, tako da je stopa rješavanja priliva predmeta 113,28%.

Smanjenju ukupnog broja neriješenih predmeta rezultat je ostvarene norme suda iznad propisane.

Međutim, ovdje se mora naglasiti da je sud, zahvaljujući ostvarenoj normi u prethodnim godinama znatno iznad propisane, uspijevao kontinuirano svake godine smanjivati broj neriješenih predmeta.

Na sledećem grafičkom prikazu predstavljen je trend smanjenja predmeta u ovom sudu u prethodnim godinama.



Grafički prikaz trenda pada neriješenih predmeta

III OSTVARENI KVALITET RADA U IZVJEŠTAJNOM PERIODU

Kvalitet rada sagledava se kroz broj donesenih odluka u kojima se može izjaviti pravni lijek, ožalbenih presuda, odnosno broj potvrđenih i ukinutih odluka. Ostvareni kvalitet rada u

izvještajnom periodu procentualno izražen je 91,45%, a detaljni podaci o ostvarenom kvalitetu suda prikazan je u tabeli 2.

Tabela: 2

Broj donesenih odluka na koje se može izjaviti pravni lijek	Ukupan broj ožalbenih odluka	Broj odbačenih pravnih lijekova	Broj potvrđenih odluka	Broj preinačenih odluka	Broj preinačenih odluka donijetih nakon održane glavne rasprave ili pretresa pred drugostepenim sudom	Broj ukinutih odluka	Broj djelimično ukinutih odluka	Kvalitet sudskih odluka
1604	319	10	228	51		29	10	91,45%

Kvalitet sudskih odluka od 91,45 % je zadovoljavajući (2021g. =90,32%, 2020g.=86,79%) imajući u vidu u činjenicu da sudije, zbog nedostatka broja nosilaca pravosudnih funkcija u odnosu na broj predmeta, rade na više referata primjenjujući više procesnih Zakona, što utiče na kvalitet rada jednog sudije a time i suda. Pored toga zbog velikog priliva predmeta u prethodnim godinama sud je dosta radio i na kvantitetu, kako bi se spriječilo povećanje broja neriješenih predmeta, što pokazuje ostvarena kolektivna norma u prethodnim godinama.

IV OSTVARENI REZULTATI U RADU NA ZAOSTALIM - STARIM PREDMETIMA

Plan rješavanja predmeta za 2022. godinu sud je uspio realizovati u procentu od 93,43%, s tim da je sud u izvještajnom periodu u kontinuitetu radio i po starim premetima koji nisu u Planu, odnosno po starosti inicijalnog akta i po starosti stvarnog početka predmeta. Sud je posmatrajući početak faze predmeta, na kraju izvještajnog perioda imao 22 nezavršena predmeta starija od jedne godine, ako izuzmemo komunalne predmete, predmete izvršenja prekršajnih sankcija, ostavinske predmete koje rješavaju notari kao povjerenici suda i predmete koji su u skladu sa Uputstvom za izradu plana rješavanja predmeta označeni kao nerješivi.

V TRAJANJE POSTUPKA

Prosječno trajanje postupka na svim referatima posmatrano u izvještajnom periodu od 01.01.2022. do 31.12.2022. godine iznosi 312 dana, a posmatrano po referatima prikazano je u sledećoj tabeli:

Prosječno trajanje postupka po referatima

Tabela 3.

Referat	Prosječno trajanje postupka (dana)
Krivični	96
Parnični	225
Prekršajni	423
Izvršni	329
Vanparnični	180
Ukupno	312

Prezentovani podaci pokazuju da se prosječna dužina trajanja svih završenih predmeta pred ovim sudom smanjuje u odnosu na ranije godine (2021. godine 432 dana, 2020. godine. 557 dana). Također je došlo do smanjenja dužine trajanja postupka na većini referata, ali još uvijek nije na svim referatima dovedena na zadovoljavajući nivo.

U narednom tabelarnom pregledu predstavljen je pregled stanja dužine trajanja riješenih i neriješenih predmeta na dan 31.12.2022. godine, izuzimajući komunalne predmete, predmete izvršenja prekršajnih sankcija i predmete ostavina koje rješavaju notari kao povjerenici suda.

Tabela 4.

Referat	Prosječno trajanje riješenih predmeta (dana)	Prosječno trajanje neriješenih predmeta (dana)
Krivični	96	376
Parnični	264	229
Prekršajni	132	132
Izvršni	185	146
Vanparnični	113	175
Ukupno	165	188

Na ukupnu dužinu neriješenih predmeta na krivičnom referatu, a smim tim i na dužinu svih neriješenih predmeta značajno utiču predmeti sa procesnim smetnjama koji su u skladu sa odredbama Uputstva za izradu plana rješavanja predmeta **označeni kao nerješivi**.

VI ZAKLJUČNA ZAPAZANJA O RADU SUDA

Analizom prezentovanih statističkih pokazatelja o radu ovog suda u toku izvještajnog perioda pri tome uzimajući u obzir i otežavajuće okolnosti sa kojima se sud susretao u toku perioda dolazi se do zaključka da je sud ostvario rezultate na nivou prethodnih godina, a to proizilazi iz sljedećeg:

- Sud je kao i prethodnih godina ostvario kolektivnu normu iznad propisane, koja za izvještajni period iznosi 110,80 %;
- Ostvareni kvalitet sudskih odluka od 91,45%;
- Realizovao Plana rješavanja predmeta u procentu od 93,43 %;
- Ostvario stopu rješavanja priliva u procentu od 113,28%;
- U izvještajnom periodu Ustavni sud BiH donio je jednu odluku u kojoj je utvrđena djelimična povreda prava na suđenje i donošenje odluke u razumnom roku pred ovim sudom;
- Zemljišno-knjižni ured ovog suda u toku 2022. godine riješio je ukupno 4044 predmeta, na kraju izvještajnog perioda ostalo neriješenih 4 predmeta

VII PLANIRANE MJERE ZA POBOLJŠANJE STANJA U SUDU

Analizom iznijetih podataka o radu Općinskog suda u Banovićima u toku 2022. godine i uzimajući u obzir ostvarene rezultate u prethodnim godinama proizilazi da je ovaj sud smanjio ukupan broj predmeta zahvaljujuću ostvarivanju kolektivne norme suda znatno iznad propisane.

Imenovanjem svih nosilaca pravosudnih funkcija utvrđenih Pravilnikom o unutrašnjoj organizaciji i sistematizaciji radnih mjesta bit će moguće rješavati predmete u razumnim rokovima, uz postojeći priliv predmeta.

U narednom periodu kao jedna od mjera za poboljšanje stanja u sudu planirano je popunjavanje upražnjene pozicije sudije, jer su potrebna sredstva planirana i odobrena u Budžetu za 2023. godinu, čime bi se stekla mogućnost da ovaj sud sve predmete odmah uzima u rad, dodatno smanji dužinu trajanja postupka, a time i rješavanje predmeta približi optimalnim rokovima što je jedan od prioriternih ciljeva.

Takođe u narednom period će se poduzimati aktivnosti na obezbjeđenju sredstva za popunu radnih mjesta predviđenih Pravilnikom o unutrašnjoj organizaciji i sistematizaciji radnih mjesta u pogledu nesudskog osoblja (državni službenici i namještenici), koje je neophodan faktor za postizanje planiranih ciljeva u radu ovog suda. To posebno imajući u vidu prosječnu starosnu dob zaposlenih.

Predsjednik suda će i u budućem periodu redovno pratiti rad sudija i zaposlenih radi postizanja još boljih rezultata rada suda, a posebno u pravcu smanjenja trajanja postupka na svim referatima i rješavanju predmeta prema starosti inicijalnog akta.

Sud će i dalje raditi na poboljšanju materijalno tehničkih uslova rada, koji su trenutno na zadovoljavajućem nivou.

U narednom periodu planirano je u skladu sa finansijskim mogućnostima obaviti radove na proširenju i uređenju prostora za arhivu suda, izvršiti nabavku dodatnih količina informatičke opreme jer je većina postojeće dotrajala, hidrantske mreže, uređenje sigurnosnog područja(prostorije) sa potrebnom opremom shodno obavezama iz Zakona o zaštiti tajnih podataka (Službeni glasnik BiH, broj 54/05 i 12/09), koja sredstva su tražena od nadležnog Ministarstva pravosuđa i uprave Vlade Tuzlanskog kantona Budžetskim zahtjevom za 2023. godinu.

S poštovanjem!



PREDSEDNIK SUDA:
ENVERA KUKIĆ